



29. januar 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppara:

**Naalakkersuisunut apeqqut: AI 2010-mi konto 89.72.21 Inissialiortiternermut tapiissuteqartarnej, iluarsaanissamut immikkullu aserfallatsaaliinissamut taarsigassarsititsineq (Sanaartornermut aningaasaliissutit) AI 2010 –mut 2.300.000 kr. immikkoortinneqarput.**

- **Suna inatsit pisinnaatitaassullu tunngavigalugit BSU-mik illuutilinnut iluarsaanissamut immikkullu aserfallatsaaliinissamut taarsigassarsititsisarnej Naalakkersuisut unitsippaat ?**
- **Konto-mik pineqartumik atuisinnaajunnaarsitsinersi pillugu Naalakkersuisut innuttaasunut paasissutissiiniarpisi?**

**Tunngavilersuut:**

AI 2010-mi konto 89.72.21 Inissialiortiternermut tapiissuteqartarnej, iluarsaanissamut immikkullu aserfallatsaaliinissamut taarsigassarsititsineq (Sanaartornermut aningaasaliissutit) AI 2010 –mut 2.300.000 kr. immikkoortinneqarput. Kontumi pingaarnermi matumani oqaasertaliussaqaarpoq: Inissialiortiternermut, illunut ataatsimoorussanut ilaalu ilanngullugit tapiissuteqartarnej pillugu Inatsisartut Peqqussutaat nr. 11. 19. novembari 2007-meersut tunngavigalugit boligstøttemik illuutit, kiisalu nammineq illuliat nunaqarfinni illoqarfinnilu isorliunerusuni inississimasut iluarsaanneqarnissaannut pitsanngorsarneqarnissaannullu aningaasanik atukkiussisoqarsinnaavoq. Tamatuma saniatigut BSU-mit taarsigassarsilluni illulianik piginnittut nikinneranni iluarsaassinissamut piginnittuunerullu ingerlanerani iluarsaassinissamut pitsanngorsaanissamut taarsigassarsititsisoqartarpoq.

Inissialiortiternermut, illunut ataatsimoorussanut ilaalu ilanngullugit tapiissuteqartarnej pillugu Inatsisartut Peqqussutaat nr. 11. 19. novembari 2007-meersut tunngavigalugit aningaasanik nunaqarfinnut illoqarfinnullu isorliunerusunut illut toqqavilersorneqarnissaannut kiisalu kallerup innerata

atassusersorneqarnissaannut attartortitsisoqartarpoq. Atukkat taakku erniaqartinneqarlutik akilersorneqassapput.

Kontomi pingaarnermi pineqarput ukioq ataaseq akuersissutit, taamaalilluni 2010-mi taarsersugassatut neriorsuutit ukiumut akuersissutit piviusuullutik. Tassunga atatillugu siorngatigut atukkiussat tunniunneqartarput, ukiuni siuliini sanaartugassanut atukkiunneqarsimasut kisiannili ukiut arlallit ingerlanerani sananeqarsimasut piffissami ukioq ataaseq sinnerlugu piviusunngortinneqarsimasuni.

Ilanngullugu akuersissummut ilaapput 1999-mi siorngatigullu atukkiunneqarsimasut, kisiannili Sanaartugassanut Iluarsagassanullu aningaasaateqarfimmu suli nuunneqarsimanngitsunut.

Akuersissummi ilanngullugu aningaasartuutigineqarsinnaapput, avataaniit siunnersuisunut allaffissornikkut ingerlatsisunut, nutaanik atorniarnermut siunnersuisunut, atukkat allanngortinnissaanut siunnersuisunut, kiisalu atukkanik pioreertunik atukkanut erniaqanngitsunut taarsersugassaannngitsunullu allanngortitsineq. Illunut pioreersunut iluarsaanissamut pitsanngorsaanissamullu atukkiussat ima tulleriaarneqartarput, salliutinneqartarlutik, illunut piginnittunut ataavartunut, ileqqusumik iluarsaassinernut, kiassaasersuinernut, imermut



# **SIUMUT** INATSISARTUNI ILAASORTAAQ / LANDSTINGSMEDLEM

aqquersuinernut, uffarfilersuinernut kiisalu illunik oqorsaaqqinnernut il.il. Boligstøttimik illutit iluarsarneqartarput inissianik pitsanngorsaaneq anguniarlugu.

Per Berthelsen, Siumut